

comme elle à esté créé? côme le Ciel a esté esleué? comme les môtagnes ont esté disposées comme la terre a esté estenduë? Presche aux impies les peines del'Enfer, tu es enuoyé pour les prescher, & non pas pour les contraindre, Dieu chastiera de son grand chastiment celuy qui abandonnera sa loy, & qui démentira l'Alcoran. Tous les hommes seront vn iour assemblez deuant sa diuine Maiesté pour rendre compte de leurs actions.

LE CHAPITRE DE L'AVRORE,
*contenant trente versets, escrit
à la Meque.*

AV nom de Dieu clement & misericordieux. *Voy Kitab el tenoir. Vons verrez l'explication de ce passage.*
Le iure par l'Aurore, par la dixième nuit du mois, par le pair & l'impair, & par l'arriué de la nuit, que les impies seront chastiez. Y a-t'il quelque chose en la consideration de ce serment qui puisse faire fuir saleté aux hommes? Ne considere-tu pas comme Dieu a traité Aad fils d'Arem qui habitoit dans des pailions supportez par des colonnes si grosses qu'il n'y en a point eu de semblables en son pays? Ne sçay-tu pas comme il a traité Temod qui coupoit les pierres & les rochers pour habiter dans le valon? Ne sçais-tu pas comme il a traité Pharaon qui perloit avec des cheuilles les pieds & les mains de ceux qu'il

faisoit punir ? Ne sçay tu pas comme il a traité ceux qui se font cy-deuant deuoyez du droict chemin dans leurs pays mesme ? & qui ont augmenté leur salete ? Il a versé sur eux diuerses especes de tourmens ; Il obserue tout ce que les hommes font , il donne quantité de biens à ceux qu'il n'esprouue pas , & les osté à ceux qu'il esprouue. Les impies ne rendent pas honneur aux orphelins , ils ne s'abstiennent pas de manger le pain des pauures ; ils en rendront compte, ils sont trop affectionnez aux richesses ; Lors que la terre tremblera, & qu'elle ruintera tous les bastimens ; Lors que les Anges descendent en rang par le commandement de ton Seigneur, alors l'Enfer sera ouuert aux meschans, ils se souuiendront de ce qu'on leur a presché dans le monde, & diront ; Pourquoi n'ay-ie pas obserué les commandemens de Dieu pendant ma vie ? ils seront chastiez plus que personne ne l'a iamais esté, & seront liez plus estroittement que personne n'a iamais esté lié. On dira aux bien-heureux, ô ame qui as obserué avec courage & sans peur les commandemens de Dieu, retourne à ton Seigneur avec contentement, entre en la compagnie des bien-heureux, entre dans le Paradis.